

M167: Leipziger Predigten (Fragment I)

1a,1 er opferte sich selben mit guote mitalle dem almehtigen
 1a,2 gote . man vienc in . man warf in in karkære . maniger
 1a,3 slahte wîze leit er . man legete in ûf einen îserîn rost
 1a,4 ze deme viure . und wolte in dâ mite dwingen . daz er gotes verlougenete .
 1a,5 dâ lac er in deme viure . und ne bran niht als man
 1a,6 von ime liset und singet . et in medio ignis non sum aestuatus .
 1a,7 dâ wart er erluteret daz golt . daz man dâ erliutert . dem almehtigen
 1a,8 gote . ze êren und ze lobe . alsô von ime geschriben
 1a,9 ist . sicut aurum probavit me dominus . nû bitet den
 1a,10 guoten sente Laurentium hiute der in deme viure lac und niht ne bran .
 1a,11 daz er uns helfe wider got . daz wir von dem êwigen
 1a,12 viure erloeset werden . daz dâ lîp und sêle brinnet .
 1a,13 wir solten iu vile dicke sagen von den genâden des almehtigen
 1a,14 gotes . und von der michelen vröuwede des himelrîches .
 1a,15 und scholten iz iu lieben . nû ne mac ez iu aber nieman sô
 1a,16 durchsagen sô iz ist . wente ich sage iu in der wârheite des
 1a,17 almehtigen gotes und in der wârheite aller sîner heiligen . daz
 1a,18 mêr genâden dâ ze himele ist danne ez iu man gesagen kunne .
 1a,19 oder ieman erdenken müge . als uns sente Paulus saget . quia
 1a,20 nec oculus vidit nec auris audivit nec in cor hominis ascendit
 1a,21 quae praeparavit deus diligentibus se . er quît . dâ sî diu vröuwede
 1a,22 di nie ouge gesæhe . noch ôre ne hôrte . noch nie necheines
 1a,23 mennischen herze erdæhte . die mîn trehtîn –[...]

1b,1 –[...] [in] [der] helle ist diu êwige ungenâde und sôgetân leit daz iz nieman
 1b,2 dem anderen gesagen ne mac . daz den gotes vîanden gegerwet
 1b,3 ist . dâr nâch schulet ir denken . nieman ne quede “ich
 1b,4 ne hân der state niht . daz ich iet guotes getuon müge .” daz
 1b,5 himelrîche daz ist veile al dâr nâch sô der man state hât .
 1b,6 daz der rîche koufet mit allem sîneme guote . daz koufet der
 1b,7 arme mit sîneme eigene . oder mit einer sniten brôtes . ne hât
 1b,8 er aber des niet . sô habe guoten willen und gewinne aber dâ
 1b,9 mite daz himelrîche . ich mane iuch alsô mîn reht ist durch
 1b,10 iuwer selbes sælicheit daz iuch dise werlt niht verleite . diu
 1b,11 vol ist aller untriuwe und aller üppicheit . di ir vile unsamfte
 1b,12 lâzet . êr es iht wizzet . nû bitet den almehtigen got . daz
 1b,13 er iu gesüeze und geliebe sîne genâde . daz ir ime gevolgen müezet
 1b,14 ze den êwigen genâden . quot ipse . communio altaris sol

1b,15 uns sîn testimonium dilectionis dei per Christum . und sol uns
1b,16 sîn spes et consolatio et reconciliatio inter nos et deum . von
1b,17 diu ante perceptionem communionis faciamus pactum cum deo
1b,18 in ipsa dominica oratione . alsô wir wollen tuon unseren schuldigen .
1b,19 ex isto pacto vel vivificamur . vel dampnamur . quomodo
1b,20 communicat deo et ecclesiae / qui cum proximo discordat
1b,21 non acceditur at altare lapideum set altare aureum quot est
1b,22 ante oculos dei . quot est filio dei . corpus domini non
1b,23 sanctificat indigne accedentes set damnat . nû râte ich iu
1b,24 daz ir ze mîneme trehtîne vliehet und erloubet iuch der werke
1b,25 di wider gote sint und wider iuwer sêle . erloubet iuch der
1b,26 übelen werke . erloubet iuch iuwers unrehtes . erloubet iuch
1b,27 iuwers unrehtes gewinnes . iz ist ein vile unselic gewin .